

# BERTSO paperak

## Hernani eta herritarrak

JULIÁN ECEIZA LANDA (ATERPE)

**1** Hernani izandu da  
nere sor lekua,  
eta eskertu nairik  
oraintxe nijua:  
Artxibuetan daude  
egintzak bildua.  
Aberastasunik ez  
jende onradua,  
pobre jaiotzea zan  
guztien errua.

**2** Bi kale besterikan  
garai baten etzan,  
ala ere jendea  
ondo bizitzen zan:  
batzuk nekazaritzan,  
besteak artzantzan.  
Astean lan eginda  
jai egunez dantzan,  
ondo bizituzeko  
geroko esperantzan.

**3** Herriak izan ditu  
gizon ospetsuak.  
Baitare buru argi  
eta jakintsuak:  
Juan de Urbieta buruz  
gudari sutsuak,  
ta aita Kardaberaz  
moduko maixuak  
zenbat sortu dituan  
Hernani goxuak.

**4** Kirol eta kulturaz  
dago osatuta.  
Hainbeste seme jator  
bertan da sortuta:  
herria maite zuten  
ezin leike uka.  
Hernanin izen ona  
dute goralduta,  
gaur oiek entzuteak  
poztutzen gaituta.

**5** Musikatik asita  
futbol ta pilota,  
txirrindu ta laixterka,  
bola eta toka,  
batzuek urte asko  
ortan igarota,  
gaur egun ainbat joko  
aukeran dagota  
herriai erakutsi  
petxuan maillota.

**6** Orkolaga igarle  
Eltzekondo pultsun,  
herriari emanak  
hamaika poztasun.  
Adarraga-Rekondo,  
zeñek ez du entzun.  
Maldaburu-Andola  
ainbat alaitasun.  
Da tartian Txirritak  
bertsotan bear zun.

**7** Ikasketak giñuzen  
Viterin lenbizi:  
Euskeraz itzegiten  
guri galerazi.  
Diktaduran mendean  
nai giñuzen ezi.  
Mezeta juaten giñan  
bandera ta guzi,  
errezatzen baño len  
"kara-sol" ikasi.

**8** Orduan izaten zan  
ainbat elizkizun:  
Don Miguel Mendicute  
vicario gendun.  
Ondoren Don Karmelok  
zer egiña bazun:  
herriko luixtar danak  
beregana jo zun,  
berrogei ta bost urtez  
mundua utzi zun.